



UNIVERSITÄTS-
BIBLIOTHEK
PADERBORN

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

9. Musarum de Sirenibus victoria.

[urn:nbn:de:hbz:466:1-68709](#)

tatem, qui percipiunt, ij & Acheloidum cantus pro nihilo putant, & tandem institutum iter emensi, vellus aureum, id est, virtutem cum immortalis conjunctam gloria consequuntur. Orat. 2. de laud. litt.

VIII. (k) Hæc satis de Sirenibus, si adjecerimus, à Mythologo perniciosas earum illecebras ac voces, etiam ad adulatores transferri, qui eos, quibus assentantur, in profundissimum somnum inducunt, ut non videant, quid differat amicus ab adulatore; quoniam hujus suavior est auribus oratio, itaque sit, ut, dum nullus amicitiae, sinceritati, iustitiae patet locus, auditores creduli gravibus involvantur malis.

IX. (l) Sed quid? propè oblitus suissem dicere, quid sibi velit, quod Musæ è devictarum Sirenum pennis, coronas sibi texuerint. Nimirum denotatur, ad pravæ voluptatis insidias superandas, nihil esse validius, quam animum procul ab ignavia habere, & ad litterarum studia strenue applicare. Nam ubi mens ingenuis curis occupatur, & amore liberalium artium tenetur, facile spernit voluptates & generoso repellit fastu, quidquid mollius blanditur: unde consequitur, ut domitæ cupiditates vires suas, velut alas amittant, & victori in præmium virtutis, ac etiam doctrinæ cedant. De Sirenibus extat emblemata 115. Alciati: cui adjunge lemma: *Dum vocant, vorant.*

(k) Per Sirenes eisiam adulatores intelliguntur. (l) Musarum de Sirenibus via gloria ac corona quid significant.

SYMBOLVM XXXI.

Triptolemus, mirus Cereris alumnus.

s. Metam.

Ethicè.

1. Magna vis educationis in utramque partem.
2. Igniculi primi naturæ.
3. Laus agriculturæ.
4. Commendatio laboris.
5. Beneficentia colenda.

Fuit hic *Celei*, regis Eleusini (est Eleusis civitas Attica, non longè Athenis sita) filius. Ad hunc regem fortè Ceres, dum raptam à Plutone filiam undique quererit, diverterat, ab eoque liberalissimè fuit iubita. Dea remuneratura humanitatem hospitij, omne genus agriculturæ